

近代中國史料叢刊續編第二十九輯

沈

雲

龍

主

編

浙 中 髮 匪 紀 略

李應珏著

文海出版社
有限公司印行

浙
中
髮
匪
紀
略

浙中變匪紀略

化州李應珏玉山著

杭省為四戰之地衢州南通福建西連豫章徽州左界安徽湖州近連蘇常嘉興枕逼松江其受敵恆與四省相終始髮遜之亂杭城一再失守初次賊由湖州乘靈驛至不及守禦而陷越六日張玉良亦由湖州來賊去而復再次賊由嚴州米攻相持兩月而陷其復也左侯亦由上游節鄧猛迎李鴻草用等人造復籌絡各邑合中外軍於城下而拔而嘉興直

至蘇松收復始能制勝湖州竟俟金陵底定始克盡平蓋地
勢依然也初賊首洪秀全由廣而趨兩湖躋江甯偏陷江蘇
安徽江西湖北諸郡縣遠及直隸山東河南陝西上及天津
惟各僻地未暇騷擾浙省無事歲餉金陵軍七十萬月給上
海軍四萬及賊由徽寧漸逼安浙軍乃守威坪是嶺關千秋
嶺各隘專供徽寧糧械倚為屏蔽金陵援兵絡繹常月給十
餘萬嗣徽寧饒慶盡失於是衢防遂重咸豐戊午春石達開
竅於金陵由江西圍衢州西陷常山開化南陷遂昌松陽三

月二十七日入震州於是巡撫晏端書減糧常平昌穀截留
增米十九萬石餉饑衡州鎮饒廷選金衢道繆梓集兵二萬
固衛遣溫家道俞樹風溫州鎮葉炳忠率各軍剿處另遣李
定泰七千人由遂昌馳救金陵大帥和春亦遣總兵明安周
天受來援明安軍由蘭谿金華赴縉云行據掠婦女多乘馬
過市抵桃花嶺為土民擊潰五月李定泰分三路克復壽昌
六月復會道員李光度率楚軍由河口入屏風關敗賊會道
關允復帶山江山總兵秦如完亦復開化於是賊由松陽取

聞復回江西衢被賊掘地道圍城者九十一日矣時溫州府
王景澄率軍屯青田派練分扼永嘉瑞安樂清平陽泰順各
隘溫屬多賴保存即於六月十五用內應克復慶州府城周
矢受亦遣軍尾賊復武義永康縉雲宣平龍泉及賊所經各
邑此戊午賊初入衢震旋即收復是也越二年庚申賊因去
冬金陵官軍克復九洑州乃遣偽忠王李秀成偽侍王李世
賢率萬人由南陵趨寧國廣德入浙為圍魏救趙之計三月
初八日賊由廣德逼東亭陷安吉十二日又由泗安陷長興

時李定泰率軍萬二十人有杭有議令其出獨松關分扼泗
安東庭兩路并屯百丈關以固邊圉者而軍已由湖州援安
吉敗於梅^溪_退守湖州矣賊十九日直撲湖城紳士趙景賢率

練軍固守於是分黨千餘向太湖夾浦窺省城十七夜後山

經陷武康十八日走勾庄夜焚良渚十九日黎明數十騎已

入武林門官軍始覺跡之不得蓋自上年江旣借浙貢院舉

行鄉試賊已混至洞窺靈寶欲於是日大士誕戕大更於天
竺而不知故事前一日已預祝時杭城除滿營外有撫標二

千餘鹽使傑勇三百圍局勇三百都司姚發科勝勇五百城
外又有江南所募江西勇二千未去倉卒守禦賊分圍武林
錢塘湧金清波四門二十一日臬使段光清率勇四百自獨
松關入援甯紹台道仲孫懋興勇二百助之二十二日賊登
玉皇山為繆粹軍擊退二十五日賊於湖上立營十餘光清
率江西勇三路出戰敗績賊營饅山取淨慈寺羅漢環壘執
旗城上礮多為所誤各路聞警援師四出張欽差帶遣職提
督宋興朝自徽來頓兵富陽剽掠為鄉民殺潰金陵大帥和

春兼辦諭軍務亦遣提督張玉良來二十二日前鋒副將
何奎率千五百人至平望由海寧進屯清泰門外與李定泰
湖州總軍皆隔於賊不得入二十四日張玉良率勇士至
蘇大府欲留駐嘉湖陰為蘇障故泥之行二十七日賊於清
泰門外西竺棗用地雷轟塌城垣數丈一湧而入於是省城
遂陷計守城僅逾八日巡撫羅遵殿辦團侍郎戴熙暨司道
府縣多死之是仍退出二十八日始盡入城紳民遷僻者不
及十之二三將軍明瑞與都統來存佐領傑純卒另歸登旗

城固守三月初二日張玉良由湖州至賊轍金陵大營中其
計急棄城回攻越一晝夜張玉良乃踰艮山門入賊由湧金
浦波門走平窓出獨松關由臨安孝豐徑回金陵初八官軍
復臨安十四復孝豐十五復長興而賊已於三月內乘虛攻

瀆大營進陷江蘇矣其年因徽州陷賊再於九月初六陷高
安初七嚴州十月陷富陽臨安餘杭之模省城俱為燬純軍
擊退十月十五日叔復餘杭張玉良率嘉興瀆卒與賊連戰
三晝夜亦於十一月初八克復嚴州金華知府程兆綸亦克

復壽昌此庚申賊初破省城旋即收復事也浙江向倚金陵
為屏節於嘉興不甚措意二月槍船導賊陷海鹽平湖復而
旋失舟陷乍浦副都統錫齡阿陣亡三月蘇州既陷浙西益
震張玉良自蘇州乘腳架船一日直至杭將卒遺者三萬四
月侍從李世賢敗退督江長貴軍於平望二十六遂破嘉興
教授北轍訓導張詠死之撫臣王友齡乃加十倍寧紹捐餉
為玉良治糧械令收墳卒萬三千規復嘉興六月王良進軍
三塔灣曰衣楚內薄攻城七月十七轟破南門賊半逃以阻

水不得入二十日湖勇逼賊各營眷舟弁水師亦亂張玉良
還抵石門知縣李宗謨請駐守良佯諾宵遁次日石門陷謨
死之於是嘉善桐鄉俱陷而浙西由海寧達上海之路遂阻
矣此庚辛兩年入嘉興事也漸自庚申陷後嘉興雖失而湖
州未破張玉良在嚴得李定泰衛防接應臘間各復江山常
山等屬富陽亦旋失旋復浙東金衢尚稱完善自徽再失饒
信不固而浙事復棘矣辛酉三月二十五李世賢自玉山陷
常山別黨范汝增陷江山五月初范復由湖口破遂昌松陽

靈州總督宣平知府李希郊陣亡各城旋即收復李世賢黨
二萬圍李定泰於衛城六日不下亦棄衛去由靈山破龍斛
湯給犯金華府安壽昌武義俱失王良時率嘉興濱卒屯蘭
谿金華府王桐乞師良率百騎至議拆毀附城橋梁與圍紳
不令遽返十九日賊六騎先至府城奔潰世賢乃分黨守之
時曾欽差國藩兼辦浙江軍務無兵可援王撫乃令食江
西餉之廬州鎮文瑞率三千人往并令米興朝等以二千人
為後又給團員何文慶銅項糧械全以五千人隨行五月初

一攻諸暨適何創蓮花教謀叛文瑞乃令遊擊曾得勝率千人先討金華孝順街會玉良在蘭谿軍士與鄉民互鬪死傷二千人據奔走賊乘勢進陷蘭谿於是文瑞退守浦江朱興朝等退守義烏六月初一賊陷義烏已突過查林蘇溪諸暨敵諭韓煌抗之善坑嶺賊不得過乃棄義烏去七月朱興朝等復義烏并滅東陽土匪陳上連七八月初四賊攻五麓嶺犯浦江文瑞分防浦隘五千人皆入城固守王撫乃令饒廷選率蘭谿潰勇六千援浦此卒酉賊入金華事也自賊入金華

後新調浙江布政使林福祥由弋陽募定軍三千同知陳大
力率新湘勇一千知縣張振新率新寶勇二千先後抵衢時
龍游雖無贍賊而衢杭陸路已梗城中兵勇數千多貸食民
間新軍無所得勢同水火有謂福祥遄馳杭省同入囊中不
若收陳張二軍為左右翼從龍游水陸進攻蘭谿逼金之前
派衢軍出湯谿襲金之後使賊勢分則下游之禍自解者林
不聽各分隊扼金華與賊相持月餘會李世賢築壘烏石方
門圍困副將羅大春於嚴州數旬八月十七羅遁嚴破於是林

張陳各軍皆奔至義橋爭舟以濟久之乃移守諸暨其援浦
之軍七月十四前鋒五百潰於鄭義門廷遂敗追逾數日墮
運使莊煥文率千人至閩省道員張啟煊率雲霄勇千人繞
道霞州亦至還乃整隊再發五日行八十里八月初二再潰
於鄭義門於是船輿遂急時省中無兵可遣王撫令副將楊
全榜率振玉軍千五百營於諸暨城南五紋嶺銳莊潰軍營
城東金雞山及城西七岡領軍資盡失僅築土牆三尺以蔽
風雨文瑞知無援八月初四衝出走桐廬山中賊陷浦江遂

分路犯諸暨會偽宋主由浦江富陽山路出和尚嶺勾通八
婺礮船渡林浦二十四日陷蕭山我方防南而賊已繞出北
路於是林饒莊楊諸軍皆相繼回省二十六日賊陷諸暨知
縣許鑑光死之諸暨失後紹興團練大臣王履謙方輿知府
廖宗元乘修小怒縱勇歐元賊至一關而散遂并陷上虞此
辛酉賊由金入紹事也浙自辛酉以未湖州久困海寧僅存
惟賴紹路可四達鉤源所出是紹之省城遂同十月初二賊
自餘杭至慶春門繞清泰門楊金榜時屯錢頭山開隊六旅

出擊西湖賊後，淨慈寺還襲其營，戰死。偽聽王陳炳文於羅
木營結五壘。初五日，張玉良偕文端諸軍自富陽返破之。旋
復搶集遂合圍十門於清波外及鳳凰山夾木實土開砲圍
擊十九日，張玉良中流礮卒。初，王撫故斬玉良，銅嘗遣饒廷
漢就閣鎔殺之。不果。至時，有謂為城內礮斃者，乃以陣亡聞。
十一月，城中糧盡，米升值銀一兩，集錢十餘萬串，無可購。礮
義倉穀七千石，弁殺馬驥、鉤士。初九日，林福祚誤信望江門
投誠，出為所敗。武林錢塘清波門外各營皆投。二十八日，糧

盡潰散蓋守城已五十六日矣已刻賊由各門梯入巡撫王
友齡學政張錫庚及文端銳廷選等多死之王友齡遺疏稱
紹興失而杭州不守咎由團臣王復謙臣死不瞑目李秀成
以禮檢王張文三人贍遣新舊藩司林福祥麟趾獲其柩并
眷屬親兵五百人送之上海十二月初一滿城亦陷將軍文
瑞自焚都統傑純暨滿城男女皆殉初三日賊遂破海寧由
嵊奉兩縣攻陷寧波當八九月時江西李元度安越軍八千
聞繼兵林文察臺勇二千俱已至衢再接杭急報頓兵龍游

時奉不諳事事時乃移屯江山顧猶閑鈞道此卒而賊再陷
杭屬事也浙省一再陷後家台皆旋復旋失惟湖州自庚申
正月被圍越竟暨東緣蘇常西陣寧廣庚申四月遣員蕭翰
慶率勇七千由常趨湖抵距城二十里之同心橋潰亡遠近
震動乘賊略無懼色逾月派練由鶯脰湖梅堰兩路收復平
望會連采市湖邊擣房興冬間賊蹙戰城下四十餘日圍甫
解後復率練攻廣德援杭省威名藉甚至省城再陷傳旨
築城赴福慶糧道任弗去壬戌二月猶敗賊七里亭賊令長

圍困之至五月初三糧盡于總熊德勝通賊城陷凡守二年
有半賊執景賢至敬之甚不屈又逾年乃就死此則賊困湖
州三年糧盡城陷之事也省城再陷後全浙僅存者惟衢溫
兩郡城及定海石浦龍泉慶元泰順而已時左候未至賊由
虔撲溫并欲乘勢擄入閩境於是閩督慶瑞於壬戌二月移
駐蒲城奉云遂昌臨賊添集二三萬欲由龍泉抄出松溪犯
閩境松陽之賊亦分途上竄總計兵力衛防有李泰七千左
撫逆兵開化八千遂為聲援江山常山已派李元度八千扼

繫片金券將韓師率閩兵千五百有在峽口駐守蒲城一路
先經派總兵關長齡等節防守江山蒲城等處小路紛歧
又添募祝善銓等勇三千協防而龍泉松陽政和三路僅有
林文察等勇四十參將楊三益等勇三百尚形單薄松政稍
有疏失水路可達建寧陸路可趨福寧不但閩省可慮并恐
由建陽崇安旁竄江西藏浙軍後路現檄同知趙均添募興
化輪勇一千弁催曾元福臺勇三千馳來聽調呂親軍不滿
二千現移浦城尚恐調度未窮又賊猛撲溫州秦如兜餉繼

兵單恐未足當敵云云蓋時兵勇三四萬月餉恆二十餘萬
此浙陷後閩省防堵事也天心厭亂貞元剩復壬戌正月左
侯宗棠乃率軍由江西入浙初左侯於上年十月奉 命以
太常卿督辦浙江軍務越二月授浙江巡撫而省城早陷上
游全沒矣時 朝命屢促左軍入衢而左衢為賊長圍所困
乃奏言現時既不循金明故道自廣德泗安安吉入獨松關
直搗省城自當由徽歙窺嚴州為根本顧欲窺嚴州必先復
閩遂以絕後顧欲復閩遂必先扼華埠以通衢防方為萬全

惟臣軍除募未到外現不滿九千人分向遂安開化外隨鐵
不過五千人徵信兩防雖歸臣節制而兩處正在吃緊未能
移動衡州李定恭江山李元度兩軍李世賢由遂昌猛撲方
急亦未可恃前奏調益澧一軍非由廣東清給火餉不能進
劉培元新募一軍非由湖南給發行資不能未又寧紹台等
諭段非遵一會迅購洋人船礮不足佐臣軍之不逮皆嘉
納乃設糧台於玉山掃清敵孽前進溫處軍事由閩軍以堵
為剿台寧由紋蒙紳士募洋人辦理此左侯初入浙之事也

壬戌正月十五左侯既敗楊輔清肅清徽郡乃親率七營由
江口踰大鏞嶺進樟村令劉興率五營由江灣踰嶺進何村
王開來率七營由白沙關進望岸扼開化華埠之衝各相距
二三十里裏數日糧三十日肅清開化縣境乘勢趨馬金街
進剿二月初九各軍分路攻克楊村即夜拔遂安城派遣員
王文瑞等二千五百人守之二十日賊由涪安逼遂安城東
五十里之梓桐源城址二十里之墩頭連日迭戰二十七日
賊衆五六萬直至墩東築壘竹籬以阻我師我軍視其懈

衝擊賊大敗先時李世贊率巨股由金華龍游犯衢杭招賢
一帶隔絕常山江山道路將以長圍援衢州圖襲我軍之後
二月十八左侯乃進軍之常山水南十九分左右路攻克後
招贊李逆復調金華巨股逼江山時李元度守江山乃率十
營會同左軍分路進剿迭敗賊於碗窯清湖等處三月初五
賊據峽口閑軍退守浦城賊下自清湖花園上至峽口鳳林
連營數十里左侯以其地可達閑之浦城浙之龍泉江西之
廣豐玉山最要十五日親率諸軍進江山之石笏十八日血

戰於石門花園港等處二十一日諜知偽對王春元大股由衢州西北來援我軍有腹背受敵之勢二十二日復分軍力戰黃少春三傷不退連破七壘二十三日洪春元已至雙橋二十五日我軍一面進攻老巢一面迎剿援賊而賊已向上台毛村四守龍游喉壽昌塘賊築壘於衢州東北之蓮花一以抗我軍矣時賊以金華居浙省之中倚為老巢守龍游壽昌蘭谿為犄角湯谿宣平徧布賊黨復大股屯松陽猛攻平陽端安圖入閩境牽制左侯方鼎衢北之賊規取龍游楊輔

清忽斜臣黨因威評撲遠其大隊已抵邊界首東寧左侯乃令劉典由華埠馬金口抵昏口親統大軍由常山駐開化四月十四賊始由淳安竄昌化而去其時壽昌龍游之賊聞官軍赴開遂一路復上偏衢城左侯乃令劉典復華埠向常山赴剿五月初四我軍甫抵衢城西北李世賢大股已由龍游蘭谿壽昌上犯於北路夾口至盈川一帶連營三十餘里又於南路石室街安仁埠等處築壘為犄角其北路昆連遂開常等處與我軍相接賊勢尤重左侯乃令衢州鎮劉培元三

千二百人
之後漢以
等淮河堵
麌戰兩旬
賢又率大
九營即夜
府知府魏
其上冢士

其進城轟之賊方轉而南忽江西援師由僻路馳至賊乃大
震仍回金華此左侯初由徽寧復開化克遂守衢州賊由龍
游逼衢由富安逼遂圍襲我軍前後者五六次血戰半年之
事也七月十六左侯令王文瑞守遂安魏喻義駐隘口自率
各營進剿龍游龍城小而固東南北三面平行前此李元度
守衢進逼城下賊開濠五道密排梅花橋置犬繫鈴以防潛
敵自秋迄冬攻之弗克此次賊倚為門戶益率黨數萬分踞
南岸之湖鎮羅埠北岸蘭谿所屬之永昌鎮裘家堰等處互

相犄角左侯乃令劉培元三千二百人進龍游城西十里之
圭塘山以副將陸金城四營助之又調岳蟠王德榜兩軍扼
全旺為培元後援另遣總兵崔大光四營屯龍游城陽河北
岸之茶壙親率各軍駐距城十五里之潭石望策應復遣按
察劉興馬步十營軍高橋截剿援相持數旬未克左侯奏言
臣軍除分防各處外可以雕剿援賊者不過五十人又疾疫
相繼每接仗不能出隊六成而賊南北岸互相牽制不得不
審慎以圖八月三十日李世賢糾黨五六萬復由永昌令壽

昌距賊出犯上方嶺左侯以上方緊接遂安西通開化崇山
南達衢城顧諸軍多為龍游賊牽制正在危急適蔣益禮十
七營已抵衢城九月初六乃令所部副將熊建益三千人犯
上方嶺由總兵高陞三十人由梅嶺直攻壽昌立將壽昌城
克復北路賊巢肅清維時南岸五里街等處悍賊尚不下數
萬其地又當龍游蘭谿之衝於是令蔣益禮全軍渡河進剿
劉興仍駐油埠為後援二十六日羅埠賊首偽宗王李世祥
乞降於是南路賊巢亦肅清左侯乃進駐新涼亭距龍游城

五里濬長濠引溪水灌賊城以江西五千斤銅心木壳大礮
用二十七八斤開花礮子轟擊又令蔣益灑由羅埠進攻湯
溪劉興仍扼油埠湖鎮以防金蘭援賊九月初十劉培元於
梅東門外寶塔嶺添設三壘俯瞰賊營賊連日拚死出戰自
晨至夜死傷七八百人其湯谿一軍蔣益灑會同福建調來
之知府康國器粵勇三營亦連撲城垣未克適蘭谿賊潭星
光率黨萬餘來援湯谿結八壘於江坑花園一帶距羅埠三
里十二日益灑三路敗之羅埠至蘭谿道路遂通時

龍湯為金華門戶蘭谿水直達嚴州尤倚為犄角築木橋連
鍼環濠數十里官軍距賊城壘一里半而營大小數十載數
月不能克幸金陵大營頻獲勝仗將益遷無庸遲旨赴援
不至掣動全局左侯乃令魏喻義自遂安率二千人移屯建
德之銅關距嚴六十里又率千人號招民團分拔壽昌之楊
溪賊卡又遣劉興一軍力攻蘭溪以分賊勢十月十三嚴賊
譚富傾巢來撲魏喻義先一日率軍潛由洋溪移鍾嶺下伏
擊其前隊五百人後隊萬餘賊望風奔竄次日一面退守洋

漢以弛其備一面用降匪江山船總女王計遣船潛下南門
大河斷賊水道又派馬隊由北門繞過東門斷其下竄適賊
他往遂於是昇雲梯潛抵西門一鼓而登嚴郡既克金華右
臂已斷於是湖紹兩郡賊酋僞戴王首王梯王等率各黨自
金華地西至酌坊開化村白龍橋一帶未援湯谿連營數十
里新昌嵊縣諸暨浦江各賊與蘭賊潭星先合亦自縣北將
軍嚴大慈等至漢西一帶未援龍游連營數十里顧雨城被
圍數月食且盡李世賢自上年由桐廬分水竄溧陽保護遂

眷向救金陵久矣不至於是勢漸衰弱癸亥正月十二龍

游賊遂啟東門向陽谿一路狂奔而湯谿先一日已經擣

益禮用降首彭禹蘭計收復矣湯龍既復金華距賊聞風逃

走其蘭谿城賊亦於是日潛奔此左侯圍攻龍湯蘭數月不

下既而先復壽嚴迨三城同克金華不攻自走之事也四城

復後羣賊乘勝首梯戴三偽王由義烏退守諸暨譚星率蘭

谿潰賊退浦江癸亥正月十八劉璈等自白馬橋克復浦江

劉興由牌頭進攻諸暨城枕山襟溪明師進取杭溫皆力

爭其地二十二夜黃少春掩至城外二十里賊大懼乞降遂
將縣城收復詣暨陽後譚星一股由桐廬趨皖南圍掣我軍
之後餘賊退竄紹興偽首王范汝增扼守義橋二十三日賊
首何文慶由紹來犯高連陞正在抵禦東陽永康賊萬餘又
御尾而至連陞合諸軍奮擊追至應店街首梯載三偽王乃
由義橋登舟下竄其桐廬之賊先在沿江脩築石壘甚熾左
侯令劉培元陸軍合魏喻義水師順流而下二十九夜亦將
桐廬城克復於是杭州上游為賊屏蔽者僅富陽一城而已

左侯乃疏言劉典追賊已抵富陽城當杭之西距省城僅八十里蔣益禮所部高連陞熊建益已由臨浦義橋蕭山而前

當杭之南距省城亦不過數十里若乘勝長軀杭州糧少城孤無難克惟譚星股已與花旗流賊合由於潛昌化竄入

皖南必將勾結太平石埭諸賊擾我後路其偽戴王黃呈志

等聞已向富春渡江意在與李秀成合犯江北冀擾畿輔掣

動金陵大局現飭蔣益禮全軍規杭轂其北竄之謀臣所部

除分駐金華外俱隨臣進駐嚴州劉典一軍仍暫回嚴州圖清

皖南弁檄劉培元三營赴馬金街會王德榜軍相機截剿再
由臣軍分撥八營扼繁昌安縣之港口茶園以遏高遠之衝
一面申檄各營勿貪省城克復之功勿憚江皖紓遠之勢總
以殺賊多寡為勞績高下自是取杭之勢在掌握矣富陽城

背山面江左嶺右谿西接七里瀘東屬錢塘江水澗壘堅新

城蕭山賊併萃其中以戰船數百艘潮流上拒二月初六日

左侯令副將楊健謨等率師船自桐廬分兩翼疾下頭隊繞
向南岸直攻中間被脅兵勇投誠反攻於是駐營南岸高遠

陞自義橋來亦自南岸上游渡江賊於西門修卡又於城東北之新橋環築數壘為犄角二十四日蔣益澧移駐新橋由龍興賊隔水而軍并令高連陞熊健益為左右犄角賊大隊攻左我軍稍挫賊遂并撲中右益澧乃命徐文秀等伏於抵田周建瑞等佯敗誘擊高連陞復以大隊促之賊大敗會眾漲左俟以地勢遼闊後阻深潭難以廻戰又自富春江下潮以甚大舢舨身輕不能駛運乃調寧波水師布興有等艇船并令甯紹台道史致諤僱烏山船十二隻鼈子魯入錢塘江

助剿復令楊鼎勦駐守桐廬以通餉道又以新城屏蔽桐廬
與富陽官軍相應令李錫駐守而益以魏喻義二千人布置
甫定李秀成果嗾偽聽王陳炳文釋常熟照文之圍急援富
陽且糾集蘇常杭嘉繞賊數萬由餘杭魏安^臨襲新城以抄富
陽官軍之後大隊已踞觀音山口距新城三十里矣四月初
一賊乘大霧由永昌林谷抄出魏李兩軍挫衄遂脅集城下
初三日蔣益溫率高連陞由富陽上援楊昌濬率十營自嚴
州至城始向臨安遁去方賊圍新城時城中糧僅百餘石楊

昌黎急諭以抗賊裹糧而來但堅守三四日援集即退於是
人心始固其富陽賊當官軍援新城時由新橋出犯熊健益
敗之中洋槍而卒高連陞於是退紮新富適中之地往來策
初七日陳炳文率大股由桐嶺謝聖嶺至洪莊泗州一帶結
壘數十里期與我軍死戰高連陞分左右伏禦之賊大敗時
矢攻富陽不下左侯乃疏言以全局論非重兵由新城臨空
直搃餘杭不能扼杭城之吭而拊富陽之背惟徽體祁縣雖
已肅清而賊由池虜建德犯江西饒景太平石埭等處尚多

距股邑馬步水路僅三萬餘人劉興王文瑞兩軍之在皖者
已一萬有奇蒋益澧金軍之攻富陽者亦一萬有奇臣復撥
馬步水師助之其餘各營其分撥下游之新城桐廬義橋上
游之富安遂安衢州金華外實不敷調遣加以痢瘧相尋是
以兵事尚滯七月杪江西一律肅清劉興還歙是時左侯
授閩浙總督乃調康國器粵勇馳赴富陽并請法國總兵德
克碑用輪船洋礮來助沿江上下形勢以城北雞籠賊壘十
餘處最要可以斷其糧道八月初六乃令徐文秀等陸師渡

過江中橫沙繞出富城之北攻雞籠城壘克碑由寶塔嶺
腳登岸攻倚城賊壘令劉亮率新橋各營牽制賊勢蒋益澧
親身督戰江中拖罟廣船連轡一晝夜城外賊壘悉平初八
日遂將富陽克復乃令劉清亮八營駐紮新橋王月亮兩營
駐守富陽益澧親率大隊進薄杭城十五里而軍此癸亥左
侯循浦江諸暨克桐廬血戰七八月收復富陽之事也富陽
既左侯方由嚴前進敵旣南賊別股由清溪歙縣過嶺冀為
浙援於是仍留嚴策應專委蒋益澧攻杭分遣康國器魏喻

義由富陽新城進取餘杭益澧調閭家堰西興各營渡江翼
以師船自駐留下前營直逼清波鳳山兩門賊偽王陳炳文
鄧光明汪梅洋等於城外環建木柵并嗾餘杭賊死守為犄
角自倉前長橋女兒橋老人畈東塘西谿觀音橋三墩繼至
武林門外北新陶橫至古蕩連營四十餘里八月二十五高
連陞舍德克碑小路并進拔十里長街賊壘十六移營衝之六
和塔萬松嶺等竅九月初六賊萬餘由雷峯塔饅頭鳳凰九
曜等山四路來擾我軍水陸夾擊大敗之初八日朱明亮寧

世宗進軍天馬南屏兩山羅大綱進軍翁家山復派小船三十餘分布萬春廟楊家橋何母橋梧桐村各隘以固運道兵鎗杭一軍八月初九魏喻義等三路前進連破其花牌樓各卡拔青山老巢直逼餘杭之西其東南故多賊壘尤以近城寶山塔文昌閣兩壘為要二十八日康國器劉清亮并克之遂移營北岸斷其水道立浮橋據守汪梅洋由杭來援連戰數日皆敗之時苦戰餘杭未下而賊中有流寇花旗一股又由蜀園入昌化至白牛橋及於潛之太陽埠其前竄廣德者

復往採孝豐將為城援劉與七營行抵續募散山關又湏分
半軍回剿左侯乃奏言杭賊尙恃嘉湖救應擾澤而餘杭東
南迄航北通武康德清西通安吉孝豐實為湖杭衝要精益
禮一軍僅能扼杭州兩面餘杭各營亦祇圍其東南北路無
重兵也駐兩城往來自要而錢江東岸及富陽新城桐廬濱
與遂安各隘皆不得不置兵防守顧臣暫駐嚴州僅千餘人
無可分撥是以戎械尚難迅速賊於餘杭東門至杭州倉前
長橋女兒橋等處添黨欲由何母橋太平橋犯我餘杭諸軍

之後乃令副將周廷瑞於天水橋參將鄧受福於護國橋各
立一壘賊連日來爭受福死之十月十八嘉興賊數萬來援
杭州乘大霧由萬松嶺直撲官軍水陸抵禦大敗之十一月
左侯進駐富陽初十日親至餘杭督戰增調富陽朱明亮四
營進石門橋分水張聲恆四營屯城西北隅以副將劉明珍
嚴州二營湧安二營移駐分水總兵黃少春克勇一營適皖
南調回亦出分水新城以扼其西路十七日各軍分路齊攻
杭州援賊大敗左侯督戰餘杭半月而北路瓶窯至倉前陸

門一帶援賊益集乃自富陽進駐東西南三路適中之橫溪
圖取瓶窑絕其糧道留楊昌濬暫駐青山令蔣益禮仍回留
下圍杭十二月朔蔣益禮以賊併趨餘杭令高連陞德克碑
水陸進攻鳳山門外賊壘親督馬步各隊列於錢塘門外秦
亭山樓霞嶺一帶以防城內援賊自辰至午奮破賊壘追至
城隍山腳次日各營分屯錢塘湧金鳳山清波等門直距餽
山雷峯塔秦亭山為營圍賊中央又調徐達秀橫溪五營助
攻古蕩初三日楊昌濬又以賊併趨杭州率各隊猛攻餘杭

賊大敗康國器將餘衆遁杭州之姚家埭三家廟及太平橋
各城壘攻克進逼牛頭初六日劉培元又以西湖以港紛歧
易於伏賊令蔣榮彩搜舢舨船數十由閼口過嶺入湖獲賊
炮四十餘只二十三日鋒杭各軍攻注梅洋考巢於城北十
里之林清堰自辰至未弗克楊昌濬審視堰上見賊壘阻水
港密林深米路長堤夾岸十五里恐日暮中伏急令收隊賊
果慙銳未收官軍死傷三百餘左僕奏言餘杭城不堅而地
平衍多溝澗逆於賊齒中最狡悍進攻林清又環溪狹路此

由臣未察地利致敗非戰士之罪也甲子正月杭州官軍連日攻城不克二十五日偵知賊援嘉興高連陞乃令德克碑技望江門外三疊直逼城下二十夜左侯令各軍環攻餘杭賊拚死抵禦營兵連喪數人然自是賊力漸竭又加以臘間海寧桐鄉先後被誠杭州右臂已斷於是兩城皆有遁意二月二十一日蔣益禮令水陸各軍分路齊攻杭城洋將德克碑轟倒鳳山門三丈我軍死者百餘高連陞王聯芳皆裹傷久戰二十三日益禮復親率各軍環攻至暮大雨不退是夜

四更陳炳文亟率黨潛啟武林門竄走二十四日蔣益禮既入省城分軍殺屯各門即遣馬隊追剿是日餘杭賊汪梅洋亦啟東門從瓶窑關遁羅大春追至平窯而城潰賊正在同抗左侯已親率軍至乃再遁左侯乃遣各營疾驅十八里至安溪關關上舊有礮壘在羣峯中賊半伏壘外半伏壘中冀俟官軍攻壘後發抄襲羅大春先搜伏賊而後進隘二十六日張聲桓等五營分路出安溪關追賊曉霧中伏傷亡二百餘朱明亮左右馳援賊始敗卻左侯乃令楊昌濬暫駐瓶窑

為各路接應并令蔣益澧分兵急攻石門德清規復湖州斷賊回竄之路此左侯自癸亥八月由富陽并攻杭州省城餘杭縣城至甲子二月然後賊同時弃竄之事也當杭城未下時海寧距賊偽會王蔡元隆擁衆萬餘乞降左侯以寧城濱海踞省下游得之可與富陽軍南北合圍亟許之臘月二十七遣知府廖安之往受款派劉樹元張景渠各軍往裏外控制費元隆四品翎頂改名元吉令率所部八營隨剿元吉自捐口糧兩月並出餘匪造設資又以元吉前踞太倉曾偽親

款李撫瑞軍官四百餘人甚愧懼開誠待之吉益感奮
甲子正月蔣益澧以桐鄉距海甯三十里為杭州通嘉興間
道必得此城始事圍嘉興石門初二日令蔡元吉往剿助以
張榮渠各營初六日距近何培章乞降將桐鄉城收復餘黨
編章字六營隨剿章自捐口糧三月并以舊轄雙橋烏鎮為
浙西孔道願率衆駐守桐既克我軍方圍嘉興湖賊王文
金楊浦清等率黨萬餘乘犯蔣益澧因令葉炳忠四營蔡元
吉八營四嘉興知守桐鄉二月初七賊自陸疊架浮橋渡復

斜大股攻爲鎮連營數十里官軍五戰敗之元吉被創不退時湖踞賊急欲赴援嘉興扼於烏鎮不得達何培章七營分四棚築三壘居中守禦賊合十八偽王築壘爲之血戰二十餘日杭城收復始退此杭將復一二月間收降海寧桐鄉兩城事也左侯既克杭省即進規湖州時餘杭敗賊分竄武康德清武康無城地瘠而小然阻水馮二石壘爲固當皖南來路與德清城皆爲湖州屏敵石門界在杭嘉之間亦慮其從後牽制乃令楊昌濬由瓶窪安溪關進規武康蔣益澧分軍

石門德清李耀南馬步七營出孝豐武康之間截賊竄路三

月二十八李耀南拔簰頭楊昌濬拔上陌進逼武康城時汪

梅洋陳炳文等賊十餘萬聚德清皆西渡來援羅大春砲船

百餘巡至黃洞與之遇急將浮橋折斷賊不得渡三月初三

日踞逆楊芸出降將武康城收復令芸編所部為桂營隨剿

初五日汪陳二賊遁高連陞亦將德清城克復是日偽歸王

鄧光明降石門縣城亦復其黨并編為數營三城既復左侯

令益澧進攻湖州楊昌濬駐武康令駐守嚴州涪安各軍截

剿逆賊十五日逸賊李世賢陳炳文等由續溪昌化圖犯噶
安遂安十七日總兵王開琳以陸軍扼守欽嶺黃蔚嶺以水
軍由城坪街口沿河直上賊始竄遁其湖州賊自守復德清
後皆退守菱湖青山一帶附城二三十里築賊壘并與長
興泗安賊互相聯絡左侯令高連陞率蔡元吉田德清拔菱
湖規湖之西駐軍靈山劉樹元等由石門規湖之南進軍荻
港五月初十賊冒官軍旗幟來襲我師卻之楊輔清大股旬
日之間與蔡九吉血戰六次三十日元吉用降賊李德芳計

燬袁家匯賊壘其石門一路當元吉苦戰將黃欠金大股由
太湖塘楊謾以向軋村圍犯劉樹元後路五月初亦為我軍
所敗時蘇軍進至南澤賊屢由太湖塘繞出林墟後路之陸
家灣與杭二十四日劉樹元克太湖塘楊謾各壘攻至嚴舍
於是賊退走泗安梅溪楊昌濬乃自武康率營由簰頭進桐
嶺扼守令劉璈三營周廷瑞六營由黃湖進白水灣直搗孝
豐六月初三兩軍乘夜潛師踰嶺疾至立將孝豐城收復時
安吉廣德踞賊與梅溪泗安賊相連絡湖逆倚為唇齒會長

興縣城已為蘇軍克復左侯乃請蘇軍分攻泗安以牽制賊
令楊昌濬於十八日疾至吉安城下以斷湖之右臂其蔡元
吉自袁家埠進駐東埠後湖賊黃文金見其懸軍深入初十
日大股繞出恩溪雙福橋築壘截我餉道是夜港多林密賊
以划船數百四出埋伏軍至輒為所敗連日不能卻十四日間
血戰八次蔣益澧乃親率各軍齊抵恩溪督戰并令德克碑
以淺水火輪向雙福橋轟擊益澧戰馬中砲數次將士多被
傷亡幸未得勝七月初六益澧以恩溪雙福橋難克令高連

陞徐文秀由袁家匯渡荻港分襲賊後并令德克碑小火輪進
泊八角亭連日督戰迭次遇伏鎗子貫高連陞右顧十三日
蔡元吉見賊急赴袁家匯荻港隔水塵戰先令五百人向恩
溪突出至河遇賊死者四百是夜蔣益禮復率各軍更番力
戰以牽賊勢元吉乃率千人鳴水三道衝出皆饑疲無人色
益與賊相持二十餘日營中食桑樹皮已六七日矣其伏匿
草間積屍下賊退始歸者復四五百人是日蘇軍亦克復嚴
含貳墨於是十六日恩溪雙福賊皆是劉清亮移屯亭子橋

進攻長趨山左侯乃奏言湖州地勢易守難攻賊東據長趨
山昆山袁家匯西據楊家莊梅溪泗安安吉北踞廣德南扼
妙喜峯和平兩鎮為犄角現時蘓軍距湖最近者惟大錢湖
之水陸各營浙軍之最近者為東路日月山各營此外皆
二三十里或十餘里蘇軍自克冕舍後西北路日事鏖戰李
鳴章毅然以攻取廣德自任尤為制賊要着惟查偽幼主洪
福瑱自金陵復返於六月二十一日由東壩逃至廣德二十
六日黃文金迎入湖城悍首竝匪萃聚其中因七月初二戰

敗仍避往廣德似有急竄之意蘇浙兩軍自湖城北面迄東
及東南一帶水陸合成長圍惟西路山險地闊又安吉一城
未復其昆連之寧國并無防兵竄甚速恐防不及防久成不
了之局幸江西賊勢已衰臣軍之援江西者除劉典一軍尚
在道外其王德王開琳兩軍可就近調赴婺源馬全攔堵劉
明登各營現駐常山江山邊隘可移至嚴州截剿湖州之賊
猶能全股盡平自當會同蘇撫入報若僅收復一城則當跟
踪追剿不准各軍居功惟時城外各賊見我日盛紛紛乞降

七月二十七日城賊遂開西門遁竄矣此甲子二月左侯復
杭省收降武康德清石門進攻湖州合蘇軍洋將大小數十
戰逾半年賊遁始收復湖城之事也湖城復後蔣益澧即率
各營追賊二十八日抵梅溪賊已連夜登岸偪堵王黃文金
黨十餘萬奉僞幼主由甯國墩千秋關黃花關以出昌化白
牛橋譚體元黨三四萬由甯國胡樂司小山羊以出清安威
坪俱謀竄徽其時安吉陷賊亦於二十八日向孝豐竄千秋
關楊昌濬收復之吉於三十日疾驅七十里大敗之孔夫廟

八月初楊芸燒黃文金於白牛橋其弟黃文英代領其黨初
八日黃少春自威水^今陸三路齊出蜀口斬譚體元於洪橋頭
獲大小賊目百五十人初十日英文自蜀口四處上灘爭渡
黃少春陣斬之十七日賊由歙境踰歙嶺至遂安之樟村黃
少春亦於是日馳抵遂之十七都十八日敗賊於東亭降二
萬人而賊前隊已竄入開化城另一股趨華埠玉山一股向
七都球去矣二十一各軍收復開化次日出常山設伏敗之
於草坪關二十五又敗之於廣豐五都衝迫後李世賢汪梅

洋李維遠等奉洪瑱竄閩竄粵左侯復移節嘉應殲之事平
左封一等伯肅清新疆晉封二等侯蔣益澧劉興楊昌濬皆
膺疆寄此復湖後收復安吉賊由皖南趨江右閩粵我軍窮
邑一月開化失而即復之事也當左侯未入浙時寧州旋復
旋失溫州金錢會匪亦入平陽瑞安城擾及各邑為如完擊
敗至辛酉九月寧州再陷賊遂屯磐湖大港頭連營數千里
壬戌正月二十日賊陷青田由界牌疾趨七十里撲溫秦如
完禦之賊連攻三日不克時松陽賊陷雲和擾及景寧台州

賊亦由黃巖至樂清之大荆溫勢益急閩都慶瑞 許吳鴻
源師船二十隻來溫二月十七親至浦城調度二月十六青
田賊至瑞安白沙嶺擾及河上橋張啟煊敗之於陶山隘三
月二十五樂清賊大股至韓埠瞿溪撲溫州城弁另股圍瑞
安同日又分黨三四萬陷遂昌將由龍泉入閩李世賢方連
日與左軍血戰於江山復率黨十餘萬來助林文察迭次敗
之四月初二收復遂昌賊遂走松楊時瑞安賊衆數萬閩都
令李朝安喜勇千五百并溫州師船堵禦十二日張啟煊營

陷退守瑞安賊遂由瞿溪圍溫州城外結營二十里城內糧絕半日閭督復調曾元福台勇十三百援瑞安守備印光衆春勇六百赴溫奏言賊撲溫州并大股犯瑞安瑞興平陽僅隔一江枕近福寧恐其沿江偷渡徑襲平陽以窺閩境於是勇練之守瑞城者二萬守沿河各鄉者二萬四月初十民圍收復縉雲十二日水師扼瞿溪賊收復青田十五日又用船八黃花關克樂青并復盤石衛於是賊解瑞安圍遁其松陽賊閭督以其地遙應金蘭近衛寃郡龍泉門戶所關乃令曾

禡扼永昌援城令林文察進攻松陽之界首時賊五股號十
餘萬守洋湧馬埠舊市三壘為犄角文察十日七戰拔之以
宣平賊抄我軍後不敢攻城賊復由桐嶺及登頭金角山等
處紮陣謀襲平陽時張啟煊在瑞安率沿江勇扼守遣船在
飛雲江上下截擊連戰三日二十日賊復分股并犯溫州瑞
安兩城秦如完半月八戰卻之六日賊另股陷景寧十四日
陷雲和均與閩省接閩督令張銓慶督龍泉慶元兩縣兵團
弁調回松陽白英一軍由龍泉進剿兩城先後收復閩督乃

令秦如完由青田秦順進白瑛等由景寧雲和進同歸處州
又令廖士彥由衢州進駐遂昌為後援促林文察進攻松陽
時左侯進剿方急賊酋唃天豫譚體元聚天福等衆九萬連
營七十餘里將乘虛窺閩并圖旁襲龍遊越江山抄左軍後
我軍連攻七十餘日弗克文察等所部台灣勇五千槍砲精
熟自六月初十日連戰九次伏軍南坑奪其處州接濟糧械
用獨輪車掛濕綿排推以敵砲子連拔其舊市葉川頭等卡
二十一日遂復松陽其處州各軍十四日奉如完進至石帆至

時文察復撥二千人與白瑛軍由大港頭進松陽民團弁領號衣瓦隊二十日收復宣平截賊竄路遂於七月十九收復處州府城惟縉雲東鄉踞匪尚特盧塘為巢六時慶瑞移督廣東代者為耆齡九月十四姜子豹克復盧塘溫震遂肅清溫震本非賊所注意祇因閩省大軍駐守浦城左軍又專恃衢州為根本賊故以大股久屯松陽力爭平瑞以圖牽制及兩軍平閩兵猶萃聚浦城癸亥夏左侯接耆齡任始於閩軍二萬餘中裁存康泰林等八千人令進剿別郡此壬戌春夏

閩閩軍肅清溫冤事也其台州各屬專由民團克復初圍紳
蘇鏡容陶寶登吳琮等二十五人相商任俠籽底邑中無賴
為瓜牙寧國設防寶登帶勇往堵戰守數載吳琮父為賊殺
復仇尤効辛酉冬賊由韶新昌嵊縣入天台郡屬盡失容等
乃集練剿賊先餉賊於要津人饋一餅以覘其數又送賄入
城以窺霍寶十一月賊復糾黨三萬入天台吳琮等練眾十
餘萬大敗之壬戌正月初八收復天台殺賊七八十四月初
三民團復集收復仙居同日弁復太平初九遂水陸齊進收

復府城初十收復黃巖十五收復寧海由蘇撫薛煥自滬入奏擢令各團紳暫官其地然是冤匪風至今未靖亦即因之矣當天台未復時鏡蓉寶登先復黃巖太平旋復為賊破退駐黃巖之三江口以砲船扼賊南竄之路壬戌二月十四寶登復佯率死士四百抵巖降賊十九日約三江口砲船內應賊大懼退守府城蓋是閩左兩軍方大舉前進寧國又合洋人攻紹台州地處僻遠李世賢故不甚與較此壬戌春夏間台國收復郡邑之事也其寧波一軍賊至辛酉冬由紹入奉

化郡屬盡失惟定海以隔海僅存時游擊布興有兄弟以砲
船收潰卒七百至定海固守之壬戌二月二十四賊船至舟
山直犯鎮城寧紹道張景渠敗之四月初九寧波知府林鈞
等率戰船由定海直指鎮海先募人釘抬寶山賊砲火門民
團集者數萬初九日寅刻復鎮海即日乘潮進取寧波時夷
船多泊北岸界河下必俟賊砲及其船如肯助我郡紳鄭義
門及許銀六萬兩於是洋人應募出助自辰申轟塌城垣十
餘丈洋兵民圍遂復府城英國陣亡參將水師等三人法國

傷副將水師等十七人陣亡二人我軍死百餘人於是專請
輪船協剿十五日收復慈谿民團另於十四日收復奉化十
五日收復象山寧境咸復張景渠乃率師進取餘姚赴上海
募勇並邀外國兵船及洋副將華爾在松江所練常勝軍會
剿餘姚新舊兩城隔水屹立賊於水隘下椿兩岸築壘固守
我師船初五抵岳江初六冒砲援賊木橋先克新城繼克舊
城遂復餘姚賊上寧八月中旬景渠方擬盡守餘姚江而賊
連日率大股由上寧來撲復分賊三路一先屯餘姚境牽制

我師一向秦公嶺犯奉化一繞僻路二十五日復犯慈谿中
外官兵逐一面扼守餘姚四門鎮一面折回寧城守禦二十
六日英總兵噶樂德克及副將華爾赴慈谿與賊戰於距城
二十里之半浦大西霸二十七日再克慈谿城英將華爾中
礮死其參公嶺賊二十七踰嶺由谿口再陷奉化知縣侯永
清死之賊進屯南北渡距郡城四十里閏八月初一復從小
路至櫟社距郡城十五里直撲郡城中外軍合擊賊仍退守
奉化十六中外夾船進攻奉化苦戰三日再將奉化克復英

兵頭那師及洋兵死十一人傷二十餘人我軍死傷數十人
自奉化復陷台屬甯海天仙俱偪賊氛閏八月東陽嵊縣賊
屢由新昌偪天台民團三次敗之閩督耆因遣游擊甯世杰
楚勇一千秦如究心勇五百由甯海赴天台協防時四門鎮
已陷甯波中外軍乃擬向上虞以討為防十一月初一收復上
虞稅務司日意格受傷新昌嵊縣與天台上虞接壤上年團
練屢復新昌迭為賊踞至時賊復由新昌煙山堅嶺兩路攻
天台團紳敗之再復新昌初八日乘勢收復嵊縣十一月下

旬張景渠進屯百官率中外軍薄紹興府城法將權華總兵
勦伯勒東以上雲賊遣士礮往炸殺我軍挫衄乃以法權副
連爾地福代統花頭黃頭兩隊甲子正月初三連爾地福連
日以車輪砲轟城中鎗殺兵頭洋兵五人俱死東關百官萬
鈞諸軍弁瀆楊叔擇退駐斗門張景渠退駐三江城城匝僅
里許距斗門三里賊由蕭率大股來攻中外軍死戰迭勝於
安昌城會上海洋兵洋砲來刺日眾賊黨楊應珂乞降遂於
二十六日收復絕艷獲助逆黑夷數十人二月張其光乘勢

克復蕭山時諸暨已為左侯克復絕境蕭清蓋紹蕭相去百
里孤城難守又長江水直下而渡將斷加以數日前左侯連
下金龍湯蘭堅城進至諸暨賊急救富陽保杭省力難兼顧
也當浙省陷後諸暨義民色立生據色村阻水與賊死抗城
名甚著後卒為賊所殲左侯奏言民團必須良將吏以維持
之信然與波洋隊較各營勇鋒加昂人多歸之中外月靡至
八萬餘金左侯乃令浙江提督葉炳忠及張景渠等進規杭
省又以廣勇與外國兵頭構釁奏請不必俟省城收復先將

甯所練洋隊千五百人還撤此士成甯圍合洋人肅清之
事也其嘉興各屬蘇撫李鴻章收復蘇州後癸亥七月十二
令編修劉秉璋進楓涇北官塘圖嘉興設浮橋渡河嘉善平
湖乍浦等城分路來援踞西塞塘亘二十里我軍十八日進
西塘太湖北水師兩營來會破其千窪舖嘉善城東鎮曰張涇
十一月初四劉秉璋由張涇往破之秉璋傷股初弋賊張殿
選乞降收復平湖十二歲熊達勲降收復乍浦并復海鹽澉
浦李鴻章疏言平乍海三城犄角與浦東金山接壤為滬後

路折東省北沿海之敵今既收復應將降首陳殷選改名陳
恩榮令率所部進圖嘉興於是進至窑洪家灘截嘉善援賊
進克平望二十八陳占榜降收復嘉善其嘉興一路倚濱潘
鼎新拔賊沈蕪壘二十六進屯新豐及王江涇甲子二月連
戰九次嘉湖賊十餘萬死抗總兵程學啟率軍縛草膝行捨
築護城堤圍轄守備姜寶督戰不力斬以殉於是二月十八
遂克嘉興戮僞王廖發受賊逃遁湖州時左侯攻杭省垂破
未能無顧乃咨請李撫乘勢剷湖李撫派郭松林三十營由

宜興規湖之長興以潘鼎新政吳江平望分紮南潯震澤長
興居太湖西岸距湖州六十里與蘇之宜興溧水皖之廣德
連界湖賊倚為犄角故先攻之以防其西竄於是又調太湖
水師至常淮蕪水師四營由夾浦進剿長興又以潘鼎新南
潯軍薄加派粦桂榮水陸五營屯湖濱之吳淒賊傾巢來爭
連戰五日其大湖水師亦於三月初九日挾浦與賊戰於象
公庵所擊墮河破之弁進駐湯橋烏溪以防廣德泗安援賊
十一日鄧松林等進逼長興城十七日戰湖賊傾巢來援俟

其氣衰敗之架擣橋攻城二十四日遂收復長興蓋自六月
十六日金陵收復髮匪餘孽俱以湖州為巢穴以長興可通
廣德倚為生路故折死抵禦也是時左侯復杭已由德清移
湖進逼湖州李撫乃令劉鈞傅攻泗安潘鼎新由吳謹力爭
農舍大錢又令張樹聲由南尋進屯織里與浙軍合圍湖州
人以尹隆橋為泗安通湖州路連日五戰克之會賊遁七月
二十六遂由昇仙八里店合浙軍收復湖州時李撫已封一
等伯其後劉秉璋劉鈞傅潘鼎新張樹聲等皆尋列疆寄此

癸甲兩年蘇軍收復嘉興與浙軍合取湖州血戰數月之事
也初在侯在江西勇僅八千月給餉五萬奉 命入浙時已
欠餉六個月時擬添蔣劉諸軍二三萬湏餉二十四五萬
上諭問鴻江西各協月餉十萬兩湖月餉三萬然各省力雖
兼顧先後僅得三百萬土戌正月令知府鍾世楨設糧台於
廬信令知縣章徵設轉局於玉山灘高水淺一舟僅載米十
餘石惟玉山至常山可用小車餘皆挑負以前乃請部給封
典銅衝劄付委員減歲勸捐先後得各項捐銀百七十餘萬

衢防隱匿又令同知李壽祿設立牙釐局變通牙帖成案并
官鹽改鹽運銷江西引地凡收復邵邑皆次地推行先後收
釐金百四十萬牙帖鹽課各十萬而各款一時未能奏集癸
亥歲竟欠勇餉至九個月癸亥六月浙東肅清令道員王加
敏蘇式敬移廣信糧台於衢州時寧紹月餉六七萬在軍所
部自餉三十萬乃奏請緩解寧波海閩銀五十餘萬直至杭
省全復裁剪四十餘營又裁兵額十分之四而加半其餉令
知府高卿培增訂釐局章程將南北新關歸釐局併收畫解

又創行票鹽課釐併收新舊錢漕蕃庫撥解銀有數萬於是
稍足敷支共計左軍自辛酉十二月入浙至甲子六月克勇
舟口糧薪水六百二十餘萬軍械礮火船隻六十餘萬勇練
賚卽六十餘萬遣撤降賊三十餘萬通共七百七十餘萬兩
此左軍先後籌餉之事也李秀成初入浙三日後即禁止殺
掠抽田租十分之二貨釐十分之一按丁助役蘇杭初克省
除糧十鍰賑撫備給籽種招墾民頗安之及大軍進剿官兵
遂相殺掠牙道甚少迄今承平三十年而始於滑昌化臨安

武康安吉寧豐等凋殘之邑尚多率皆土著不及三分之一
童生不敷學額在候甫抵開遂即勻撥錢米賑濟之衢園解
奏定章程十二條城鄉各設同善堂一日收養幼孩八歲以
下皆准收留人日給米半斤鹽菜錢八文兩人共繫被一林
願作子者准援道光時成案給與執照宗族不得阻撓一日
收養婦女教以紡織變價歸局願養作女媳者由官給與執
照一日恤養孤寡田地保寫緣簿准其沿門乞食一日收埋
瘠餓掘塚深四尺者給錢二百一日增鹽茶釐稅每百斤加

錢五百一增船稅每船可載百石者加錢四百一勸捐祠廟
義租三分之一一捐錢八十至二十千老量給六品以下
功牌以上皆充善堂之用一販賣搶掠人口者斬一許索受
魯紳民者罪一兵勇擾害閭閻者誅一屠寧耕牛者罰凡所
復城邑皆著為令由歐鹽項下邑給錢二百緡為之倡及克
嚴州又奏罰楊坊俞斌毛象賢等十數人以為膜視難民者
戒寒寢冬歸者日衆人將相食楊昌濬復創以商代賑之法
收買銅鐵錫鑄茶葉并備好女裸茶以米給值以茶濟餉得

銀四五萬石活頤衆省城收復即嚴禁攜帶婦女器物出城
杭城舊日居民八十萬亂後僅存數萬旗城無一存者乃為
義塚葬之岳王墳及淨慈寺之側又給民間籽種牛食席片
稻商間市并修葺城垣衙署以土貸賑設立清賦局荒者招
墾蠲糧熟者按稅則酌減三分之一舊日浮稅悉省並提釐
金十分之一永充善舉歲可二三十萬塘土係蘇杭七郡所
關則於塘身內加築土偘堤一道當時善款以賊遺糧食為
大宗除散賑外尚得變價銀三十四萬餘兩而時有紳商胡

先墉者以店夥起家大軍入浙繳還所領王故撫買米銀六萬左僕任云不數年富至千萬杭省復後善舉多墉所為首復牛車舊制不敢涉錢江者蹀躞泥中嘉湖蠶桑復業與洋人競價收買使絲價倍於往昔雖其家即以此落而杭絲歲得洋價二千萬受賜者多矣此事乃善後撫卹之事也

論曰江浙地相表裏江南陷而浙江數年無事此天假我也使巡撫得人擇吏之有膽略者為守令紳之謀勇者辦團防就保甲中選其驍健者為練勇設立五軍以四軍分布衛嚴

嘉湖境外一軍居杭策應以討為防軍各數千人皆數月以
易輪用練勇以習膽技而就約束浙省故有旗綠營兵五六
萬亦分班置之防所巡撫不時往來其間以討軍實各郡衝
要之地又令紳民編築碉堡堅壁清野剔除盜藪稅陋規
酌抽釐捐證用無事則防堵之氣常新有事則團練民促鄉
鄉固守確封千里雖屹立於分崩之世可也乃上下互以私
情為汲汲以私情相抵戾雖有管樂之才責獲之技無由自
見卒至省垣一再淪陷全浙邱壘雖曰天數亦人謀之不臧

矣左侯受特達之知愛才命士皆樂為之用然血戰於開途
衛常者六七月頓兵於龍湯金蘭者又六七月力攻富陽者
又八九月并爭餘杭省城者又六七月連中外鄰省之兵合
剿湖州者復六七月而賊之逸竄閩粵者仍數十萬未得聚
而殲之當時逆酋如李秀成李世賢陳炳文汪梅洋譚體元
黃文金輩類皆濶達尚氣概狡計百出得人死力累戰不疲
使為我用儼然一良將也嘗謂人才之在下猶堤之障水久
則必潰古今不百年輒一亂蓋以此也抑又聞之兵者機也

幾至而先得者勝後追雖殲陷十餘省而未嘗得濱海口岸
與洋人相接甫得寧即用黑夷數十守紹使非迅收洋人克
復甯波則賊將以蘇杭絲茶之利為餌藉其兵力船砲四出
牽制甯波又明時倭奴熟道平賊之期正未可知也今者承
平數十年矣回思致亂之由平亂之迹輒為撫往事而低徊
者久之楊制軍昌濬故有平浙紀略十六卷用據其大概著
為一篇褒譏悉依舊本立功將吏自有原書在